



U skladu sa članom 108. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine FBiH", broj: 39/03, 22/06 i 43/10), člana 17. Poslovnika o radu Štaba civilne zaštite Grada Zenica, broj: 08-44-1781/19 od 03.02.2019. godine, a u vezi sa Odlukom o proglašenju stanja nesreće uzrokovane pojavom koronavirusa (COVID-19) na području Federacije BiH (Vlada Federacije Bosne i Hercegovine), broj: 408/20 od 16.03.2020. godine i Naredbe Federalnog štaba civilne zaštite, broj: 12-40-6-148-2/20 od 17.03.2020. godine, Štab civilne zaštite Grada Zenica na vanrednoj sjednici održanoj dana 18.03.2020. godine, d o n o s i

N A R E D B U

1. Naređuje se privremeno obustavljanje rada auto pijace, pijace s polovnom robom (buvlja pijaca), tržnica u zatvorenim prostorima, kao i prodaje odjeće, obuće, mobitela i druge robe široke potrošnje na glavnoj gradskoj pijaci i pijacama u Crkvicama i Blatuši.

Zelene pijace na glavnoj gradskoj pijaci, u Crkvicama i u Blatuši izuzimaju se iz ove Naredbe, te se u skladu s tim odobrava rad istih, uz obavezu strogog provođenja svih mjera lične i opće higijene, s preporukom da osobe starosne dobi preko 60 godina ne obavljaju usluge prodaje.

2. Naređuje se privremena obustava organizovanja rođendanskih i drugih zabava, te svadbi u svadbenim i drugim salonima. Čin vjenčanja se održava u skladu s Uputstvom Gradske uprave Zenica, broj: 02-45-5927/20 od 13.03.2020. godine, na način da istom mogu prisustvovati samo budući bračni partneri i svjedoci.
3. Naređuje se privremena obustava masovnog prisustva ukopima (sahrane i dženaze) na teritoriji Grada Zenica, osim članovima uže porodice.
4. Naređuje se privremena zabrana korištenja svih dječijih i sportskih igrališta na teritoriji Grada Zenica.
5. Naređuje se javnim ustanovama i javnim preduzećima čiji je osnivač Grad Zenica da redovno i u kontinuitetu vrše mehaničko čišćenje i dezinfekciju u objektima u kojima obavljaju svoje djelatnosti, u skladu s uputstvima Kriznog štaba ministarstva zdravstva ZDK, kao i da organizaciju rada i broj uposlenih usklade sa preporukama Vlade Federacije BiH.



6. Naređuje se svim upraviteljima stambenih i stambeno - poslovnih objekata na teritoriji Grada Zenica da redovno vrše mehaničko čišćenje zajedničkih dijelova zgrade u stambenim i stambeno - poslovnim objektima u kojima obavljaju funkciju upravitelja, te da vrše redovnu dezinfekciju rukohvata i šteka.
7. Naređuje se svakodnevno mehaničko čišćenje i dezinfekcija zajedničkih naplatnih mjesta na teritoriji Grada Zenica.
8. Naređuje se svakodnevno mehaničko čišćenje i dezinfekcija Autobuske stanice Zenica.
9. Naređuje se svim pravnim licima koja na teritoriji Grada Zenica pružaju usluge linijskog i ugovorenog prevoza da svakodnevno vrše mehaničko čišćenje i dezinfekciju svojih vozila (autobusa i minibusa), a po potrebi i više puta dnevno, te da vozačima istih obezbijede zaštitne maske, rukavice i dezinfekciona sredstva za ličnu i opću higijenu.
10. Naređuje se taksi prevoznicima na teritoriji Grada Zenica da svakodnevno vrše mehaničko čišćenje i dezinfekciju svojih taksi vozila, a po potrebi i više puta dnevno, te da u pružanju usluga koriste zaštitne maske, rukavice i dezinfekciona sredstva za ličnu i opću higijenu.
11. Naređuje se "ALBA Zenica" d.o.o. Zenica intenzivniji odvoz komunalnog otpada i poduzimanje svih neophodnih mjera i radnji da se sa mjesta predviđenih za njegovo odlaganje isti propisno uklanja, kao i da se svakodnevno vrši mehaničko čišćenje i pranje saobraćajnica i ostalih javnih površina.
12. Naređuje se svim preduzećima koja obavljaju komunalne djelatnosti na teritoriji Grada Zenica da angažuju sve raspoložive ljudske i tehničke kapacitete, s ciljem maksimalno urednog, blagovremenog i kvalitetnog obavljanja poslova iz svojih nadležnosti.
13. Naređuje se javnim ustanovanama "Gradska biblioteka" Zenica, "Bosansko narodno pozorište" Zenica i "Muzej grada Zenica" da do daljnjeg odgode sve promocije, predstave, izložbe i sve ostale kulturne manifestacije.
14. Naređuje se trgovinama osnovnim prehrambenim artiklima - supermarketi, pekare, apoteke, te benzinskim pumpama na teritoriji Grada Zenica da na ulazu svojih objekata obezbijede dezinfekciona sredstva za opću higijenu.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

15. Naređuje se svim licima koja borave na teritoriji Grada Zenica, a koja su nedavno boravila u rizičnim područjima zaraženim koronavirusom i kojima je izdato rješenje o samoizolaciji, da se istog striktno pridržavaju.
16. Naređuje se svim licima koja su došla iz inostranstva i osobama koja imaju saznanja o dolasku istih da sva ova saznanja prijave Štabu civilne zaštite Grada Zenica na brojeve telefona: **+387 32 447 731 - Služba civilne zaštite, +387 32 447 735 i +387 61 997 620 - Oprativni centar civilne zaštite.**
17. Naređuje se stanovništvu Grada Zenica, kao i drugim osobama koje trenutno borave na teritoriji Grada Zenica da se pridržavaju ranije datih naredbi i preporuka Federalnog štaba civilne zaštite od 17.03.2020. godine, Kriznog štaba ministarstva zdravstva ZDK i Štaba civilne zaštite Grada Zenica.
18. Za provođenje i za nadzor nad provođenjem ove Naredbe zadužuju se resorne gradske službe i policijski organi svako iz svoje nadležnosti. Zadužuju se nadležni organi iz ove tačke da putem Gradskog operativnog centra civilne zaštite izvještavaju Štab civilne zaštite Grada Zenica o svim poduzetim mjerama i radnjama na izvršavanju ove Naredbe.
19. Svako kršenje ove Naredbe građani mogu prijaviti na brojeve telefona iz tačke 16. ove Naredbe, a svako kršenje iste sankcionisat će se od strane nadležnih organa u skladu sa pozitivnim propisima.
20. Ova Naredba stupa na snagu danom donošenja iste i primjenjivat će se od 18.03.2020. godine od 15,00 sati, a trajat će do 31.03.2020. godine do 24,00 sati, odnosno do daljnjeg.

Broj: 08-40-6241-1/20
Zenica, 18.03.2020. godine

DOSTAVLJENO:

11x članovi Štaba civilne zaštite,
1x Policijska uprava Zenica,
12x Službe i Sektori Grada Zenica,
1x web Grada Zenica,
1x a/a.



KOMANDANT ŠTABA

Fuad Kasumović